

## Duškanka Majkić:

### 1. Pitanja postavljena Ministarstvu komunikacija i prometa BiH:

Ministarstvo komunikacija i prometa BiH je, na osnovu Okvirnog sporazuma o nabavci Microsoft licence, zaključilo Ugovor o pružanju usluga tehničke pomoći i nabavci Microsoft licenci. Okvirni sporazum za nabavku Microsoft licenci za potrebe Vijeća ministara BiH zaključen je s Konzorcijem Lanaco d.o.o. Banja Luka - Logosoft d.o.o. Sarajevo i Teamwork d.o.o. Mostar 24.6.2010. na period od tri godine. Okvirnim sporazumom utvrđeni su uslovi nabavke Microsoft licenci kroz *Enterprise subscription agreement* (ESA). ESA ugovorom definirano je da se u naredne tri godine plaća pretplata za korištenje licenci nakon čega se licence mogu otkupiti, može se potpisati i još jedan ugovor o pretplati ili se on može raskinuti. Vrijednost otkupa licenci nakon tri godine pretplate nije definirana pa je praktično nepoznata i stvarna vrijednost licenci koje su nabavljene. Procedura javne nabavke licenci kroz *Enterprise subscription agreement* (ESA) i usluga *Premier supporta* provedena je putem međunarodnog otvorenog postupka. Ministarstvo je na osnovu Okvirnog sporazuma od 24.6.2010. za nabavku Microsoft licenci, Microsoft Enterprise subscription ugovora i Ugovora o pružanju usluga Premier podrške, a s obzirom da je riječ o višegodišnjem projektu, s ciljem sistemskog praćenja realizacije, otvorilo program posebne namjene. Vrijednost ukupno uplaćenih sredstava po ovom programu posebne namjene iznosi 4.139.975 KM, ali to je cijena samo za jednu godinu. Sredstva za ovaj program osigurana su na sljedeći način: 290.160 KM iz sredstava tekuće rezerve, 1.928.000 KM iz akumuliranog viška prihoda nad rashodima u 2009. godini Regulatorne agencije za komunikacije BiH i 1.921.814 iz akumuliranog viška prihoda nad rashodima u 2010. godini Regulatorne agencije za komunikacije BiH. Provedenom revizijom Ured za reviziju institucija BiH konstatirao je da je izvršena nabavka usluge Premier podrške u vrijednosti od 290.160 KM, kao i nabavka 9.155 licenci u vrijednosti od 3.849.815 KM. Evidentno je da se Ministarstvo odlučilo na licence kroz ESA ugovor kojim se samo vrši pretplata naredne tri godine, umjesto da ih nabavlja kroz OLP ugovor, kojim se dolazi do trajnog vlasništva licenci. S obzirom da ovu nabavku prati veći broj neregularnosti i nepoštivanja procedura, molim da mi se odgovori na sljedeća pitanja:

1. “Zašto je Ministarstvo zaključilo navedeni ugovor bez prethodno ugrađenih primjedbi i sugestija Pravobranilaštva BiH? Zašto je Ministarstvo zaključilo ugovor bez konačnog mišljenja Pravobranilaštva BiH?”
  2. Tražim od Ministarstva da dostavi preciznu informaciju o tome šta čini strukturu cijene ovog finansijskog aranžmana. Navesti razloge zbog kojih su nabavljene *Office Professional* licence koje su nepotrebne za poslove koje obavljaju zaposleni u državnoj upravi. Zašto nisu nabavljene *Office Standard* licence koje su dovoljne za većinu službenika u državnoj upravi?”
  3. Da li je tačno da ukupan zbir cijena pretplate i otkupa licenci iznosi oko 18.000.000 KM koji će Vijeće ministara BiH izdvojiti za nabavku licenci kroz ESA ugovor u periodu od tri godine?
  4. Da li su istinite tvrdnje da je Ministarstvo svjesno nabavilo mnogo veći broj licenci nego što je neophodno i da li to znači da institucije BiH nabavljaju duple licence?
  5. Koliko je trenutno na stanju neiskorištenih licenci i kolika je njihova vrijednost?
  6. Na osnovu kojih analiza je Ministarstvo iskazalo potrebu za 9155 licenci (dostaviti analizu na uvid)?”
2. Inicijativa upućena Vijeću ministara BiH – “Podnosim inicijativu da Vijeće ministara BiH pokrene proceduru ispitivanja opravdanosti daljnjeg postojanja Agencije za forenzička ispitivanja i vještačenja BiH.”

